



3 1761 05262921 9

DR
592
S57A3





فیهائی ۱۰ غروشددر

حال واستقبال

طالع سال و کنز الخاواص صاحبی سید سلیمان الحسینی افندی


علم جفر و رمل متخصصی علمای خواصان و سنین و فیردن بری نشر
ایتدیکی آثار عدیده سی، بیانات و کشفیات کثیره سی ایله بتون مالک زمانیه ده شهر تکیر
اولان سید افندی موی الیه ایکی اوچ سنه دتبری اختیار سکوت و انزوا ایشدی.
بوکره بر چوق اخوانک ابرام و اصراری اوزرینه ینه حال و الاستقباله عائد
بیاننده بولمغه قرار ویره رک ارباب مراق و رغبتہ ایفای خدمته . باشلامشدر .
انجق بر مدت صکره کشاد ایده جکی یازمخانه ده اصحاب مراجعاتی قبول ایتک
اوزره شمذیک تحریراً حل مسائله مباشرت ایشدر .

باب عالی جاده مسنده اورخان بك خاننده حقوقیه مطبعه سنه کوندر یله جک
تعمدلی مکتوبله حال و استقباله عائد ایراد اولنه جق سواله افندی موی الیه ۴۸
ساعت ظرفنده ینه تعمدلی اوله رق جواب ویره جکدر .

دقت - یازیله جق مکتوبده سوال صریح اولمی، صورانک اسمی والده سی
و پدری اسمی الیه تقریبی سنی یازملی، جواب ایچون آدرس محرر بولمخلی در .
رمل ایله حل ایدیله جک مسائل ایچون ده اوتوز، جفر ایله حل ایدیله جک
مسائل ایچون ده آلتش غمیش کوندر لملیدر .

ملاقات آرزو ایدنلر تحریراً مراجعت ایدرلر ایسه بر وقت و موعد تلاق
تعیین اولنور .






برگززار حسینی

علم جعفر و رمل متخصصی علمای خواصدن « طالع سال » صاحب
سید سلیمان الحسینی افندینک بوکره بالاده کی نام ایله اولجه نشر ایلدیکی
دورت جلدلک کنزالخواصه ذیل اوله رق یازمش اولدینی کتاب قریباً
نشر ایدیله جکدر .

مذکور کتابده مندرج خواص جلیله هر کسک ایشنه یارایه جق
و اجرایی قولای شیر اولوب بوخصوصده ارباب مراقک احتیاجنی
تطمینه تمامیه کافی بولمقده در .

جلب محبت و تسخیر قلوب ، تألیف بین ، تفریق ، تشفیة
امراض ، قهر اعدا ، خصمندن توقی کی مسائلی محتوی و هر بری
مجبرب بر چوق خواص جلیله یی حاوی اولان بو کتابی شیمیدیدن
توصیه ایلرز .

نشری غزه تلرله اعلان ایدیله جکدر .



خاتمه

اثری مطالعه ایدن ذوات بنم بر قاج کره محقق و قطعی اولوملردن
قور تولدیغی کوردیلر .

بو بنجه حائر اهمیت دکلدر . چونکه بویوک و غیر قابل تلافی
فلاکتلر قارشوسنده شخصک حیاتی و یا حقمنز اعدامی قالی بر
اهمیتی حائزدر .

بوکون مملکت محو اولدی . مملکت اولیور . بو اعتبار ایله
بن بی دکل مملکتی قتل و اعدام ایدن جانلیری اعدام کرسیمسند
کورمک ایستهرم .

چه سودکه بو ذواتک الله بنامی بوکون کیم بیلیر هانکی رفاه حالک
نوازشلری ارامنده ذی حضور و مستریج یشایورلر .

بو حیاته غبطه دکل لعنت ایدرکن بیگلرینک حالا مملکتده رفاه
واقبال ایچنده بولندیغی کورمک مایوس و متالم اولورز .



زندانه بشقه قومیت‌لرده واردی

بکر اغا باوکی جرائم مخلقه اربابی ایچون مادقا پر مشهر ایدی . مختلف قومیت‌لره منسوب اشقیاده واردی . بونلرک ایچنده سلطان سرائیلرینی صویان ، اوروپاده ، امریقاده بیوک خرسزاقلر اجرا سایلله شهرت قازانان بریده موجود ایدی . ارقداشلیری حین توقیف‌لرنده فراره موفق اولدقلری حالده بو ، یقایی اله ویرمش بلوکه کتیرلمشدی . طانیدینی کیمسه اولمدینی جهته جدا محتاج اعانه بولایوردی . بونلرک اورپاک الک یوکسک طبقه‌لرینه مخصوص طالرده ، اونوموبیللر ایله کزهرک ذوق و صفادملری کچیردیکنی بیانلرده واردی .

بوندن بشقه برده روس قومیت‌سی واردی . ایکی آياغنده کی پرانغه ایله قاقوب دانس ایدر ، زنجیرلرک صداسی بر آهنگ مخصوصه اویدیریر ویزی کولدییردی . بر ارمنی طاشناقسانیده واردی صامسوندن کوندرلمشدی . استانبولده هیچ بریلدیکی بوقش . دهابرچوق آدملر واردی . هله یونان قومیت‌لرندن پاپادوبلونا منده کی ذات توقیفندن بری قطعاً کیمسه ایله ترکجه قونوشماش ایدی ، بنم اتخار ایده جکمه مطلع اوله رق بر کون محبسمرک تنها بر شاننده ترکجه اوله رق بوفکردن وازکچمکلکی و هر حالده قورتیله جغمی تأمین ایدرک قونوشماش ایدی .


بالاده حکایه ایلدیکم وجهله تخلیه ایدلدکن صکره زندان ارقدا . شلرمدن بر خیلیدینی کوردم اونلرله اوفلاکت ساعتلرینی دردلشدرک . بزنی احواله قویانلره قارشلی قلمزده کی آتش کین و غیظی شدتلندبردرک .

اولش ، احبابی ایلرولتیش ایدک . مدت عمرلرنده تیساترو ، اورته اویون کی شیلری کورمامش اولان بو آدمیر قان پدریمک تریب ایلدیکی اورته اویونتی سیرایدرك پک بکنمشلردی . حتی اچلرندن بری قان پدره :

— سکا انور بک دکل انورپاشا دیملی ، بو قدر معرفتلی ایمش سکه بز بیله میوردق . دیمشدی .

اوت ، قان پدر بدایت توقیفنده انور افا صکره افندی ، بک ودها صکره لری انور پاشا دیه چاغریلوردی .

قان پدر محبوبینک تخفیف آلامنه فوق العاده غیرت ایدیور ، تحیف حکایه لر اکلاده رق ، قلیدلر یاهرق جهله منری کولدیریوردی . بز رمضان بو صورتله کچیرمکه ایکن بالاده بر تفصیل حکایه ایلدیکم وجهله محاکمه مزه باشلاندى .



قارشولقلی قونلش اولان اوت مندرلرک آره سنده یارم آرشون اوکنده
و اهی مترو قدر طولنده بر کچید اولدیغندن بوراده کزینیر ایدک .
بر صاغه بر صوله کیدر طوریردق . چونکه دیزلریمزله طوتلسی
تهلکهنه معروض قالماق ایچون طولاشمق لازمدی .

اقشام اوزری بزم قهوه مشتریلری برر برر منغالده کیمی چوربا
و کیمی بمورطه پیشیرر، طوب آتیلنجه یه قدر افطار احضار ایدیلوردی .
طوب آتیلنجه اوروجلریوزیلور و بزم اوجاق ایشلمکه باشلاردی .
عین زمانده بر چوق مشتریلریمز ساده، شکرلی قهوه ایستهلر، بنی
بتون بتون شاشیردیرلردی !. بوتلاش ایله بعض قصه ورلریمده کیمسه
عطف اهمیت ایتز و بزم خاطر ایچون قهوه جیلک ایتدیکیمی بیلدکلرندن
نقصانلریمه آلدیرمازلردی . حاصلاتده فنا دکلدی .

ایلك اقشام نمازی جراح پاشا خطیبی قیلدیردی . نمازدن صکره
مصاحبه باشلادق . یاتسو یا قلاشدینی زمان حافظ کمال افندیکنک خطاری
اوزرینه هرکس بکیدن آبدست آلهرق یاتسوینی و تراویحی قیلدق؛
ختماننده ظالملره هم آواز اولهرق لغتلر ، بددعازلر یاغیدیردق .

جناب حق بودعامزی قبول بیورمش که بزی او یله محبسله طولدیران
اتحاد جیلرک بیوکاری بوسنه رمضان شریفی محبسه کچیرورلر . ظالم
و سالم ، ک سرخوشلنی رمضان شریف مناسبتله انقطاعه اوغرا دیغندن
کیجه لری یاغمه کلیور، دیلیله و قرباجیله بزی حاشلامیوردی . کمرک
کتبه سندن نورالله بکله حافظ کمال افندی و سائر ارقداشلر شریقلر
اوقیور و تقلیدلر یاهرق اکلنیردق . بزی دوکن غاردیانلرله دوست

زندانه رمضان حیاتی

توقیفمزدن درت آی کچمش ایدی . رمضان شریف کلدی .
هنوز محاکمهیه سوق ایدلامش-دک . اک زیاده صبرسنراق-له بکله دیکمنز
شی محاکمه مزک اجراسی ایدی . چونکه نتیجه سنده یا تخلیه ایدیلور
و یا خود محکوم اولور ، بو دوش-ونجه دن ، اندیشه دن قورتیلوروز
یدیور ایدک .

محاکمه مزک رمضان ایچنده اجرا اولنه جنی اکلاییلدی . رمضان
فصل کچیره جکمزى مذا کریمه باشلادق . بعضیلار من بو شرائط دائره -
سند اوروچ طوتيله ميه جفنى بیان ایدیور ، بعضیلار یزده اوروچ
طوتيله مزی بهانه ایدرک ینه بزى دوکه جکلرینی آیان ایلوردی .
اساساً صوفی اولانلر ، خارجده کی رمضان حیاته اولدینی کبی حاضر-
لانیورلردی . قوانوزلرله رچلار کلور ، جوربه ویمورطه پدشیرمک
ایچون تجرملر و محملر کتیر قیورلردی .

بن موقوفینک اک کنجی اولدینغ جهتلرله بقالقبو حبس-خانه سنده قان
بدرله قهوه جیلک ایدیور ایدک .

رمضانک ایلاک کیجه سی - ایکی کیشی مستثنای اولدینی حالده -
جمله من اوروچ طوتيله قرار ویردک . ایرتسی کون اوروچلی
ایدک .

مطالعه ایدرک نه بر غزته و نه ده کتاب اولدینی کبی کان کیدن
احباب ده بولونمیدیندن وقت کچیره جک بر واسطه من یوقدی .

بروسه‌لی ایمنش . بونکله همشهری چیققدق . دیدمکه :

— سن همشهرم اولدینک ایچون طبیعی بکا ابولاک ایتاک ایستهرسین .
 بکا کیزلیجه برغرته کتیریرمیسک .

نفر، ایرتسی اقشام چیزمه سنک ایچنه صافلابه رق کتیردیکی غزه تهنی
 بکا ویردی . او قودقدن صکره بر تقریب رضانوز بکک او طه سنه آچیق
 قابودن آتدم .

آرتق زه قارشى اسکی شدت قالمامشدى . یتمکدن اول بغچه یه چیقما-
 ریورلر . هوا آلیوردق . بتون بونلری فال خیرتالی ایدیور، بزى
 چوق اینجه دکلری ایچون شیمدی نطیب خاطرده بولونیورلر
 دیوردق .

فقط وقتلر کچیور ، هنوز تخیلیه مزه دائر بر اثر ظهور ایتمدیکن
 بنده ینه مراقلر اویانغنه باشلامشدى .



چونکه طویال زاده عثمان بکله او طه سفی تمیزله دیکمز زمان بنی طانیس و آشناس اولمشدی .

او کیجه بردنبره خسته لنش ایدم . قارغنده صانجیلر اولدینی حالده یاتمش او یوم شدم . بردنبره او یاندم . دفع حاجت لزومی کورونمشدی . قوغوشك یابانجیسی اولدیغ وعادی بیلمدیکم جهتله سرعتله قاپودن فیرلایه رق ممشایه قوشدم . نوبتی آ یاقده او یوم شدی . او یانوبده کندینی طویالنجیه قادار بش اون آدیم قدر اوزاقلاشم شدم .

نفر آرقه مدن قوشه رق سونکی ایله اورمغه طاوراندی .

غلظ کله لره « قاجارسین ها » دیوردی . قچق ایسته مدیکمی ، کوریلان لزومی اکلادم . بونک اوزرینه دیدیکه :

— اونی بکا خبر ویررسین . بنده دودو کله پوسته چاغیر یرم . برابر کیدرسین .

— پله ، اعلا ، هایدی پوسته چاغیرده کیده یم دیدم . کیجه یاریسی هرکس او یومش اولدیقدن متعدد دودو ک سسارینه کیسه سه جواب ویرموردی .

اوت ؛ پوسته بکله تیالان نفر درین اویقوسنده مملکتنده کی نشالمیسیله اوغراشیوردش . بلا فاصله چالنان دودو ک سسنی ایشتمه می بوسبدن ایلرو کلدیکنی اکلاته رق بر آز دها وقت کچیردیلر .

او صرعه بنده احتیاجم یواش یواش قالمیوردی . نهایت پوسته کله رک حلایه کیندک . اوراده تمیزلنمک ایچون ایچسه زحمت چکدم . ابرتسی افشام نوبتچینک یازنه یاقلاشارق نزدی اولدینی صوردم .

ایله اوطور مشلاردی مظلونلر ایچون یالدىزلى برماصه نك اوكنه قونلش اولان صندالیهیه اوطوردوم ، رئیس سرت ، عاتا تكدیر ایدرکی برسسله اسمی ، یاشی ، هویتى صوردی .

بعده جمعیت خفیه نك تاسسندەكى مقصده وصورت تشككنه دائر بر طاقم سؤاللر ايرادينە باشلادی . عین زمانده اعضالرده ایراد سؤال ایدیور . هانکیسنه جواب ویره جکمی بیله میوردوم ، عاداتا شایرە مشدم اوصرهده صاغ طرفده اوطوران یوزی چیچک بوزوغی بر ضابط بکا حایه کارانه بعض سؤاللارده بولنغه باشلايخه دیگرلرینه جوابدن صرف نظر ایدەرك مومی الیه توجیه خطاب ایدیور ، آرا صرهده دیگرلرینه جواب یتشدرمهکه چالشیوردوم .

نهایت رئیسک :

— بشقه بر شی دیه جکک وارمی ؟

سؤالی دیوان حربجه محکومیتمه قرار ویرلديکنى احساس ایتدی . نهکی رجزایه چاپدیر یله جقمی دوشونەرك محکمه دن چیققدقم . بی ده زندانه کوتور میوب اولجه محاکمه ایدلش اولان ارقداشلرك قونلدينى اوطهیه کوتور دیلر . اوراده بولنانلرك جمله سی شن و شاطر بر حالده ایدیلر . بو حال بکاده سرایت ایتدی . قلم منشرح اولدی . آشاغی زندانده کی یتاغمی ، اسکی اوت مندری دیگر بر محبوسک . صرته تحمیل ایله کتیر دیلر وبکا تسلیم ایتدیلر .

قارشوسزده کی اوطهده « رضانور » بک اوتور و یوردی . آشنالقی ایدەرك اوزاقدن اوزاغه کوز اشارتی ایله قونوشیور ایدک .

او کندن کچرکن ا کر حسن معامله کورمش ایسه لر فسلیری آرقه به طوغری کیملری ، عکس تقدیرده ، یعنی اوراده شدت و ظلم کوره رک امید نجات اولدیغنی حسن ایتدکلری حالد فسلیری قاشلری اوزرینه اکلری وبو صورتله جریان حالدن خبردار ایدله مز ققرر ایتشدی . دیوان حربه کوتوریلان درت آرقداشمز ، ایکی ساعت صوکره پنجره مزك او کندن کچرک بشقه بر قوغوشه کر تورولدی . بونلرک ، فسلیری آرقه به طوغری کیمش اولملری جمله مزده انشراح قلب وامید حاصل ایتدی . ایرتسی کون دیگرلری چاغیریلوب محاکمه یه سوق اولندی . آنلرده مرتب پاروله وجهه فسلیری آرقه به کیمش اولدقلری حالد پنجره او کندن کچدیلر .

اوچنچی پوسته ده بنی ده چاغیردیلر . اولجه محاکمه یه کیدوب کانلرک ویردکلری اشارت جمله مزده بر درجه یه قدر متانت قلب حاصل ایتمش وقورتلق احتمالی قوتلندیرمش اولدیغندن پکده تلاش ایتموردق . بوندن بشقه برده حوادث طویمشوق : کویا انکلتره سفارتی حربیه نظارتیه مراجعتله برائت و تخلیه مزی التماس ایتمش ایش . بو خبرک طوغری اولوب اولدیغنی صکره دن ده تحقیق ایدله مدیم .

کرک ارقداشلرک پاروله لر و کرک بو حوادث تأثیری ایله قلبه مزده امید نشوونما بولدیغندن بن اوکون بیوک بر متانت کوستردم .

کوزلکلکی سعید افندی ایله برابر دیوان حربک یاننده کی پاراوانه ایله آیرلمش اولان عمله ادخال اولندق . برمدت صکره اولا سمید افندی وبعده بن محکمه یه کیردم . مختلف رتبه ده اون ایکی قدر اعضا صره

دیوان حربده [۱]

رمضان شریف ابداً الزنده ایدی . هیئت تحقیقه تدقیقات
و تحقیقاتی ا کمال ایده رک فذلکه سنی دیوان حربه تودیع ایتشدی .
بن بو خبری بالاده عرض ایتدیکم وجهله هر آقشام قغوشلره
غاردان ایله برابر غاز تنه سنی کوتوردیکم کونلردن برنده قانون قغوشندن
بر تقریب آشیردیغم فزته ده کورمش و آرقداشلریمه در حال خبر
و برمش ایدم .

بر کون دو قنور منیر ، حافظ سامی و حمدی افندیلرله قانن پدریمی
چاغیردیلمز ، بونلرک دیوان حربه کیده چکلرینی خبر ویردکلرندن آرتق
محا کمه به باشلانیدیغی آکلادق .

هپ هیئت تحقیقه ده کوردیکمز معاملاتدن ، چکدیکمز اشکنجه
لردن کوزیمز اوقدر بیلمش ایدیکه ، دیوان حربکده هیئت تحقیقه کی
حدت ایله بزد ، ضرب و اشکنجه ایدم چکنی ، ینه دوچار عذاب ایدیله
چکمز ی دوشورنیور ایدک . محا کمه به کوتوریلانلرک تکرار بولندیغمز
زندانه کتیرلیه چکنی سویلدکلرندن دیوان حربده نه کی بر معامله به
مروض قالدق لرینی آکلایق ایچون شویله بر تدبیری دوشوندک و
قرارلاشدردق :

ایلك محا کمه به سوق اولونان ارقداشلرک عودتلرنده پنجره مزک

حامض قاربون اووقت صلبیدن متحصل آسفکسی ایله قاننه تراکم ایتیش
بولونیوردی . خسته خانه ده بویننده کی ایپ یری ایله قیرباجدن متحصل
چوروطر کورولوب تداوی ایدلمشدر . تداوی ایدن تیمار جیلر طبیعی
بیلرلر . «



ترصد ایدن کیمسه واری دیه نجسساتده بولنیوردم. اوت بوکی
 خصوصاته لزوم قالماشدی. ایرتمی کون طبییک ویزیتمسندم طابورچی
 ایدلمی سوبلدم موافقت ابدیلر و ایکی عسکرک محافظه‌سندم اوله‌رق
 توقیف‌خانه به کوندردلم. اوکون غزته‌لرده تخلیه‌مدن بحث ایدیورلردی
 خانه‌مه کلدیم افرادعائلم پر سرور. قان بدرمه دیگر رفقای محبوسینک
 اون بش‌سندن اوج سنهیه قدر مختلف درجاتده قلمه‌بندلیکله محکوم
 ایدیلهرک مدلالی کمیمی آیله سینوبه نفی و تبعیدقراری چیتمش ایدی
 بونلری حبس‌خانه عمومیده زیارت ایدم و تبعیدلری کینی هپ برلکده
 سینوبه حرکت ایده‌جک واپوره کیندک، هپسی سوردکر کیتدکاری
 حالده ممنون وشادان ایدیلر، اوت ظامدن، اشک‌سیندن خلاص اولش
 ایدیلر.

بم بالاده بر تفصیل اکتلاتدیغ اتحارم حقنده رضا نوربک جمعیت
 خفیه، کتابنده دیورکه :

دایاقدن یزار اولمقدن و ایدیلن اعدام تهدیدلرندن سری‌افندی
 عقیانی بوزوب آیدستخانه‌ده کندیغی آصمش. برکت ورسون اوارالق
 تصادفاً آیدستخانه‌یه کیدن بری طرفندن کوریلهرک تخلص ایدلش
 ایسه‌ده باغین بر حالده یرسه‌رلشدر.

وقعه‌دن خبردار اولان سالم افندی النده‌قراباج ایله یتیشوب بو‌حاله
 کلش بر زواللی بی‌ایله ایچه دوکشدر. مومی الیه قانون اسماعیل
 رفاقتیله حیدر پانا خسته‌خانه‌سنه کوندرلش و آنجق ایکی کون
 صکره عقلی باشنه کلشدر. سری‌افندی بالذات بکا بربیدیکی قیرباجلری
 دویمدیغی سوبلدیکه قناده ایل اولمی لازمدر. زیرا مخدر اولان

لرسه كندیلرینه مکتوب یازاجغی سویلدم. بو صورتله بنده بر کاغذالده
ایتدم و کندی بی اولدیرلک فرستی بولاییر ایسم طاقمه وصیتنامه مک
حاضر بولوغنی تأمین ایدرلک برشیلر یازدم. آراتق کیمجه لری اویقو
اویوق امکانی قالدی.

قولا قلمه ارا به صدالری و تحف سسلر کلیور، بو صورتله اویقو
منساب اولیوردی. بر آتشام اوستی ایدی سرطیب چاغیرتدی.
اوطه لرینه کیتدم، یک ملتفانه بر طورله بیورلک اوطوریکز بقالم دیدی
و درحل بر سیغاره ویره رک قهوه اصارلادی و
— نژدمه نه ویره جکسکز دیدی.

— بنده کز نه ویره بیاییم ؟ باقیورم یک افندی حقیقه بکا
آچبورسکز مسئلهی لطفاً آچیق اوله رق سویلیکز مراقدن قورتیلیم.
— اوغلم تخلیه اولندی کز.

— بکم بو اتحاد جیلرک نه قدر حقمز اغه صوصامش اولدقلرینی
او کز ندیم قابل دکل بر اقا زلر دیدیم

بوسوزم اوزرینه دیوان حربک تخلیه حقه نده کی توفیق خانه
مأمورلغنه اولان مخطرده سی ابراز ایتدی و نژدمه قالمش استرحام
ایتدم، بو صورتله تخلیه ایدلیمکه مطلع اولدم. تشکرله اوطه دن
چیققدنصکره قومده بولندی ریلان سونکولونک حاکا بکامکنده اولدیغی
کورونجه سرطیبه مراجعتده بولندیم، نتیجی بی قلدیر دیلر بو کاردرلو ایستاق
ایسته بیور اوطه دن طیشاری چیقوب قوریدورلرده کزینور و بی

قاریوله باشلارنده بولندیریلان حاولولرك قالمیرلمسنى ووجودمدهكى ياره
صارغیلرينك چوزيلرك يرينه ياشدیریمجى ياقيلروضنى تيمارجيلره نذيه
ابتدى .

آرتق صولك درجه تقيدالتمده بولندیريلوردم. حتى محافظه مامور
سونكولو عسکر آبدستخانه ده سسيز قالمقلمه مساعده ايتيور، آلدینى
تعليمات موجهينجه (افندى يايچى يامیرلان) دیيور ابدى .

اوت انخاره هیچ بروجله امکان کورمديکم برديقده بردنبره
عقلمه بر ترتيب کدى: محاکمه ايتدم. موافق بولدم. دوقتورى قانديره.
بيله جکم. صباح ويزيته سنه کلن دوقتور رشدى بکلن درت ماده لك رجامك
قبولنى استرحام ايتدم وديدم که دوقتور بلك درت بچق آينى متجاوز
بر زماندنبرى ضيادن محروم فنا بولكا احتياج بولندينى قدير ايدرسکيز،
برده حماسه تراشه احتياج وار عين زمانده هاله مك بهمه حال
بولكون کلسى ايچون تلغراف چکم کلکمه مساعده ايدلمسنى
رجا ايدرم. بولك اوزرينه حممه وبنجه به مساعده ايدلدى. ترش ممنوعدر،
هاله کوزه تلغراف چکمکه حاجت يوقدر. پچشنبه کونى کله جکار دیدى
بزم بوصورته حبابلر هیچ مرچ ايدلدى . نه ايسه حاضرلانىم .

رفاقتمه ويريلان محافظله برابر حممه کيتدم. حممك قورنه طاشنه باشمى
چارمق سورتيله بينيمى طاغیده بيليردم . فقط محافظك چاگشتدن تولر
چيقدينى حالمه يانمدن آيريلوردى . خلاصه بونى ده اجرايه امكان
براقلميوردى . حممندن چيقدم کيتدم، مساعده موجهينجه باغچويه
چيچق، محافظدن ماعدا برده سونكولى رفاق ايدیيور ابدى. برتقريب
عسکرى نغوشنه دالدم ، برقهوه پيشيرلمسنى وبولكا مقابل آرزو ايدرم.

ایرتسی کون عاظم کلدی گوریشدم ، ایکی کوندر کایورمش ، وهر
کلیشنده حیاته بولندیغی اثبات ایدیهك اولان خطدستمی ایسترمش ،
بونك امكانی اولدیغی سویلدکلرندن فوق العاده مراقایدیورمش .

نه ایسه بی خسته خانه البسه سیله کورهك هم آغلائی وهرده
یشادیغمدن طولانی سویندی . زواللی اوغلم زهت قیلمی بکنمدریکندن
بانه صوقولیور . وکندیسنی اوپدیرمیوردی . و بی طایق ایسته میوردی .
حقیقه خسته لره کیدیریلان البسه وکلاه بکاهه جیب برشکل ویرمشدی
آراق بوراسی بکر آغا بلوکی کی دکل ، هر تقدیر قپوده نوتجی
بولوندریلور سهده غزته او قومق ایچون مشکلاته تصاف اینلیور ، نشر
اولان بوتون جرائدی آدیر سیورم او قوبورم .

احوال صحیه مده عصبیك زیاده لشیور و دائما حق سز لغه معروض
قاله جغمی دوشونهرک مغوم و مکدر دم .

خسته خانیه کلدکدن بش آتی کون صوکره کی صباح غزته سنده منظرورم
اولاز منیر ، نور ، طمات ، سری نام شخصه محکوم ایدملشر دره جمله سی بی
خبی دوشوندردی . التیش بو قدر موقوفیندن یالکیز دردی عیزك اسملرینك
غزفه ستونلرینه کچمسی مامون قناعتمی تازمه دی . ویکیدن انخار
فکری باش کوستردی . سلاح ندارکی ممکن دکل نه یامالی ؟ بولندیغ قغوش
اولدیه واسع ، بردنبره قوشوب باشمی مرمر اولان دیواره چارپدم .
بوصورتله یینمی داغمنق تشبثنده بولندم . باشمک بره انمنندن بشقه
بر نتیجه حاصل اولدی .

وبو حرکتی سرطیه سویلدیلر ، مومی الیه کلهرك تسلی و نصیحت
ایتمک باشلادی ، عین زمانده یش و سازه ایسترسهم آدیر یله جغمی سویلدی

و فقط ایکی محبوسدن بشقه کیمسه بولنمیان بر قغوشه قالدیرتمش، او کون اوکله وقتی او یقودن او یانیر کی قالدیم، یئغمده اوطوردیم، باقندم اطرافم قاربورله هط .

— چوقشی بن خسته دهلیم نه یه کلدیم عجباً رؤیای گوریورم .
دیه دوشوندیم، قارشومده کی خدمتچی عسکرلردن برینی جاغیردم و بن نه کلدیم دیه سوال ایتدم .

آناتولی ترکیه شیوه سیله قارنون آغیریمش ده او کاسب کلوشسونه دیدی .

حیرت ایتدم ارقداشلر مک کافه نیک آیاقلری دایاقدن یاره ایچنده قالدینی حالد هیهچ بر دو قنوره تداوی ایتدیرمدیلر بشقه صورتله خسته لئانلر اولمشدی باقیدیرمدیلر دیه رکدن تعجب ایتدیکم بر صیره ده یانمده بولان محکوم الله کوچوک بر آینه و بردی . بوغازیمی کوردیم .
سیلمش . در حال کنیدی طویلادم، بن بویله بر شیئه قرار ویرمش ایدم دیمک یامش و قورتلشم . هر نه ایه بو صیره ده در حال سرطینه هملومات ویررلر . بو آدجکیز چوجق کی قوشه زق کلدی . استفسار خاطرده بواندی . وقارنک آج اولوب اولمادیقی و هر نه ایسترسه کتیر تدیره جکی سوبلدی . و برده رچته یازوب علاج ویردی . بجغمده کی یارلرک اضطراری حس ایتدیکمدن بونی سوبلیم . امراض خارجه طیبینه کوسترلمنی امر ایتدیلر . او کون کوستردم . و تمام ایدم اون طقوز دلیک .

علاج لایوب صار دیلر قغوشه کلدیم . یملک کلش ایدی . بیدم .
کنیدی دهازاده طویلادم . شاقه دکل اوچ کون آجلق، ویریان یملرک هدی بیتردم .

کوه جگر. برکنج ده حیاتدن بوضو رتله افول ایدرک کیده جک.
 بو صرمده محبوسیندن بریدی آبدستخانهیه کیرمک اوزره
 کلیر. قیونک آچیلما دیغنی آکلار سله نیر و سس ویرلز، قیوی ایتیر
 یوقاریسی صالانلیر ایشاغیسنده اودون اولدیغنی کلاره ایتیرک ایجری
 کیرر. بتم دیلم طیاراری چیقمش چیرکین برمنظره قارشیسینده قالیر
 آوازی چیقادیغنی قدر باغیر بر، در حال دیگر محبوسینده قوشارلر، نوبتچیک
 قضا طوره سیله ایپ کسیره لک نی قورتاریرلر. محبوس بولسان دو قورمنیر
 نبضی یوقلار هنوز حرکت کورر و در حال صنی نفسیه باشلار بر
 طرفدن ده کیفیت حبستخانه مدیرینه و عسکری طیبیه خبر ویریایر.
 بو وقعه اوزرینه محبوسینک کندی کندیجه پایدیغنی آکلایماملرندن
 پک چوق تلاشه دوشرلر و خیل آغلارلر و اظهار تأثر و تأسف ایدرلر
 بایغین بر حالد اولدیغ حالده مدیر او طه سنه کوتورورلر.

سالم ایناغاز آیاغه دیکدیرر و ایله بیراقیر یره دوشهرم بونی بر
 اویون ظن ایدن غلام افندی اون طقوز یرمه چاقی باطیرمسون اونیتماز.
 باقارک بر حرکت یوق. قانون اسماعیل وفاقتنده و بر آرایه ایله حیدر پاشا
 خسته خانه سنه کوندیرلر. نوبتچی طیبی بالمعینه سکرآت موت حالنده
 بولندیغ جهنله زهر و نومرولو محله قویار [تغوشده اولمش اولان
 کیمسایری بورایه کتورورلر و بوراده معاینه ایدلر کدن صکره صویوب
 غمل ایدرلر]. بوراسنی صکره کوستردیلر و اوچ کون سن بوراده
 یاندک ایدی دبدیلر.

ایکنجی گون بوراده بایغین قالمشم. اوچنجی گونی دو قنور مراق
 ایتیش معاینه و حیاتدن امید حاصل ایدرک عممی خسته لقلره مخصوص

صره ده یاننده یاتان بر آرقداشمك چوق قوللانمئدن طویارلاق برشكل
اكتساب ایدن اورمه قوشاغلك بر قسمی چيبدن طیشاری چيتمش،
درحال یواش-جه چكدم آلدیم . محمود شوک باشایه خطاباً «ظلمه
حکومت بایدار اولماز . حتمزلقه اداره حکومت عاقبتی وخیم قیلار .
ایشته برکنج سرك ایچون اولیور » زمینده برشیلار یازدم و بو کاغدی
چیمه قویدم . باشقه جه عائله ده بدبخت یارادلدیغمزه تأسفلر ایتدكن
صكره اوغلمك تعلیم و تربیه - نه و حکومت انجديه الی الابد دشمن
اولمی ایچون فكريك او بولده تيمه ایداسنه و حقنی حلال ایتنه
واتخاراك شرع شریفده مزمووم ایدوكنی بیلدیكم حالده مضطر قالدیغمی
وجناب حرك مسلمانلرده بوكی وقوعانك تكثرت ایتماصی ایچون
اوامر شدیده ايله نهی ایلدیكى بیلدیكمی و فقط رحمتی نیم کی
عاجز لرینه ده تشمیل ایده جكنه و كندیسك وارلقه ایمانم قوی بولندیغه
دائر بر وصیتنامه یازدم و بونی یصدیغمك باموقلری آره - نه قویدم
و برمدت قالقوب آبدستخانه به كیتدم ، قیوسك كلیدی یوق ایدی بلکه
باغیر برم دیبهرك قیونك بر كیمسه طرفندن آچلمامسی ایچون قیونك
آلته الیه كچن بر اودون بارچه - فی صیقیش - دیردم و ایاكنجی قیونك
یوقارینی تشکیل ایدن دیرهكك اوستی اوریلی اولمادیغندن طیرمانه رق
بو دیرهكك اوزرینه چيقدیم ، عائله مك كتیرمش اولدیغی قوقولی بر مندلی
كوز لریمه باغلام ، استغفار و توبه ایتدكن صكره اوچقوری ایلک یاوب اولما
بوغازیمه كچیردم . بعده دیرهك باغلام و تكبیر ايله كندیعی صاللانیدردم ،
ارتاق اولمش ایدم . نه بر اض - طراب نه ده بر قورقو و نه ده مراسم
تشریه قالدی . اوت جنازه می عائله مه تسلیم ایده جكار ، اولرده

ایلاک اتخار

آرتق امید خلاص قالمدی . قناعت وجدانیهم ایسه: بونلر حقل
 حقسنز برشی یامئش اولق ایچون بزی آسه جقار و خلقه هر دفعه یابدقلری کی
 بردهشت القسا ایدم جکار و بوسورتله مخالفی گوگندن تمیزایه جکار
 و بر ایکی سنه اولسون مخالفتمز بر حیات یشایه جقلر. نه یاملی؟ بی
 ضانیانلره و بالخاصه عالمه قارشو بازیدده صلب اولنمق
 آغیر کلپور، هله کیجه لری «بلکه بو کیجه کوتوره جکلردر» دییه او یول
 میورم شفیق آتدقدنصکره او یویوردم. آرتق اولومدن قورقوم قالمدی
 نه اوله جق ایسه اولسه باری ده قورتولسم دیور و دوشونوردم:
 «اسممله چاغیرلا جقم، بیاض کوملک کیدیره جکار، قهوه و سیغاره
 اگرام ایدم جکار، حکم قانونی اوقویه جقلر وصیت نامه یازمق وعالمه
 بر دییه حکم اولوب اولمادیغنی صورده جقلر صکره هایدی وقت کلدی
 دییه رک قالدیروب سونکولرک محافظه سنده دار آغاچنه کوتوره جکلر،
 الاریمی آرقه یه باغلا یوب اتحادک سه پای عدالتنه چیقارته جقلر. اوف
 نه فنا! اولیم، فقط بویله تشریف اتله دکل، بویله خلقه تشهر ایله دکل
 ایشته بو ملاحظه لر بودوشونجه لر پک الیم، بک اضطراب آوردی.

نهایت بر کیجه هر زمانکی کی او یویامبوردم. هان شفیق وقتی
 یاقلاشمش ایدی. بر آرابه کلدی، آرتق صوک کیجه اولدیغنی اکلادم،
 آرقداشلرم او یویورلردی، او یاندیرمق موافقمیدر دییه دوشونوردم.
 بیوده هیجان حاصل ایتماک ایچون صرف نظر ایتدم. ساعته باقدم
 قاردیانلردن تحقیقه قاتمله او کزندیکم کی وقت حلول ایتش ایدی. او

سوقاغه آندیغنی و کیکلری قیریلهرق برای تداوی فرانمزخسته خانه سینه
باتیرلدیغنی او قودم .

هجائب ا بوده اولدی . برنارک قادینک کیکلری قیریلور اولبور .
بن ایسه برارک اولدیغمن کیکلرم و اعضای سائرهم قادیندن دها
صاغلامدر دیدم . و بصورتله اتخاردن صرفنظر ایتدم . آرتق جامله
دامارلری کسمک جهتی قالدی . فقط جام تدارکی ممکن دکل . دالغین دالغین
اوگون کزندم و هیچ برقرار ویره بدم . محکه ختامه ایرمش و بعضیلری
صرفه کونی تخلیه اولنهرق بنده بتون بتون مایوسیت باش کوسترمش
ایدی . هله بیرام صباحی آتیلان طوپلر فلاکت مزک دهشتی اعلان
ایدیوردی . هممزک بونی بوکوک دوشونیورز . اوت شیمدی بوتون
عائله لریکی لباسلری کیمشلر سوسلنمشلر ، چوجقلری کیدیرمشلر ، بایرام
نمازندن چیقوب اوینه کله جک اولان عائله رئیسنه تبریک ایده جکلر ،
مصاحفلر باپیله جق ، بنده عائله صاحبیم و بنده چوجقم وار ، بن بوشرفدن
مخروم ، کیم بیلیر عائلهم دهنه قدر محزوندر دییه رک دوشوندیکمز برصیره ده
حبسه خانه مدیری سالم رسمی اونیفورملری طاقنمش و بیاض
الدیونلری کیمش کلدی ، بایرامیزی تبریک ایتدی . هیچ بریزدن برتشکر
مقابله سی کورمدی . بونک کلسی و بعض سوزلری جائزی فوق العاده
صیقدی . دفع اولوب کیتد کدنصکره ایرانیلرک محرمده کی ماتم مراسمنده
آغلادقلری وجهله عمومعز آغلامغه و اتحاد ارکان ورؤساسنه بددعالر
صاوورمغه باشلادق . آرتق بایرام کچمش وغزته تدارکی وخارجدن
برخبر آلمق احتمالی قالماشدی . چونک بقال قو حبسه خانه سینه خارجدن
کیسه بی قویمورلردی .

جہتک مؤسسہ نڈن در . دیہ تقدیم اولندم . ایستہ اووقہ قدر معلوماتدن استفادہ ایچون یاندیغم ظنی طاشیرکن وضعیم آکلاشلیدی . مؤسسہلر میانہ داخل ایدلشم . محمود شوکت پاشا یوقاریدن آشاغی بہ بی برسوزدی .

— اوغلان سہ باباکلہ برابر بازیددہ سالانڈیرہ جغ دیدی .
ایگنجی موقوفہ جرمنی سویلدیلر و بوتون موقوفینک اسباب توقیفلرینی اوکرہ نرک محبتدن چیقدی کیتدی . آراق اعدام قناعی اولدجہ قوت بولمغہ باشلادی . ہلہ الہ کچن قرہ کوز غزٹہ سنندہ برطاقم فارملر یالاش واوزینہ شریف پاشا ، حسنہ کمال ، رضا نور ، سری ، وانور اسملری یازماشدی . قرہ کوز قوغایلہ صو دوکیور . حاجیواد آیاغیلہ ازیور . و آلتنہدہ آمان قرہ کوز ایکیسی قاجدی دیکرلرینی باری بوغلم . یازماشمی ؟ آراق اعدامزک برامرواقع اولدینغہ ایمان ایتدم . بوصورتلہ چوجق ایکن قرہ کوزدہ سرخوش بکرک قارشوسنہ چیقان یہودی بہ اولوملردن اولوم بکن ، سوزی خاطر مہ کلدی ، بندہ باشلادم اولومک اہونخہ ارشدیرمغہ ، عجبا قاجق لٹبٹندہ بولنسم نرمندن اورورلر ؟ نوبجی بہ صوردم . کرک سونکو و کرک قورشونلہ آیاغمدن اوراجقلرینی اوکرندم ، صوک زمانلر مزدہ باغچہ بہ چیقہ یوردق . دوکہ جیلر جہتہ اولان باغچہ دیواری ہان منارہ ارتقاغندہ ، بورادن کندیعی آتارسہم درحال اولورم . دیدم وبر وصیتنامہ تنظیم ایدرک حاضر لاندیغم صیرہدہ یردہ رنکی کونشیدن صولمش برغزٹہ پارچہ سی کوردم . بلک اوغلندہ بیلمنہ آپارتمانک دردنجی قاتندن مادموازلک بریسی انتخار قصیدلہ کندیسنی

آرتق يوش يوش لاياللىكى اله آلام، كوندوزلى باشلىچە مشغەلەم
غزىتە تداركى ايدى، غاردييانلارە او قدر يالوارمى وپارە تەكلىف ايتىك
قائىدە تامين ايتىدى، ياللىكز بىكر آغا بىلو كىنك اوست قات بىناسىندە قانۇن
دائىرەسى اولدىغىنىدىن قانۇن افندىلار ھىركون او قودقلىرى غزىتەلىرى
بو كوب باغچە يە آتمى معتاد ايدىغىلاردى، بىندە عائەلەك كىتىردىكى چاشىر
بوغچەلىرىنە صوقىلان ايدىگەنەلىرى بىرىكىدىرىم بونارى چىكل شىكلە قوبەرق
بر ايتىك اوچىنە باغلام و بىردە طاش علاوۋە ابدىك مەكمل بر غزىتە
اولدىغىسى ياپىم، روزكارىك پنچىرەمىز او كىنە سوق ايتىدىكى غزىتەلىرى بو
واسطە ايلە تدارىك طرىقى بولدىم. الله ايدىلار غزىتەلىرى او قوروار قىداشلىرىمە
كىزىلىچە وىرىدىم. بو وچەلە ايلەمە كىن غزىتەلىرىك ئىشربانى جمعيت خەفە
مىسوللىرىنىك اك آغىر جزا ايلەمە تىجزىيەلەرنە تىركىز ايدىيوردى.

دە شوندىم اك آغىر جزا باطلىع اعدامدىر. شىمىدى تىردىلىرىك ازالە
سىلە حەقىقەتە ايرىم سوداسىنە دوشىدىم. ھىرىكى كلن موقوفە خارىك
فەكرىنى، قەھۋە خانەلەر قىرارلىرى صورىيوردم. آلدىغىم جوا بىلەر موقوفلار
اعدامە دائىرىسى.

كوكل ايتامق ايسەمىزور. بىركون دىرت حەققو طلبەسى دە توقىف
ايدىلەرىك كىتىرىلشەلدى. بولمەدە مىراجەتتە كىچىكىمىم. بىلىم جزا-
قانۇننىك كىچىكى مادەسى موحىبىچە اعدام دىمىزلىرى ؟

ھەلە براقشام مەقتول مىحمود شىوكت پاشانىك كەلە چىكى خىبر وىرلدى.
جەسە خانەنى قىزلەدىك. بىردىنبە غاردييانلارە ئالەمە قايت مىنور بىرلامبە
اولدىنى خالە صىرمەلرايچىندە بىر طاقم ضابطان واو كىدە مىحمود شىوكت پاشا
كوروندى، ايللىك بىتافە بىن ياتىيوردم. سؤال بىزدىن باشلادى.

زندانه گذارش حیات

بکا تخصیص ایدیلان یاتاق اسکی اوتلری چیقمش مندرله بر بکلك دن عبارت ایدی . یصدق احتیاجی آغامده کی فوطینلری چیقاروب اوت مندرک التمه قویهرق یوکسلان یره باشمی دایامق صورتیله تطمین ایدیوردم . یاندیغم اوت مندرک ایچروسنه فاره لریووا یامش حتی یاورولهش ایدی . کیجهلری غایت ایجه سسلر اوت مندرک ایچندن کلپور ایدی . برکون اوتلری قاریشدریم بو یاورولری آتدم . والده فاره بکا دشمن اولدی ، صافلادیغم اتمکی هر کیجه یتکه باشلادی ، بو صورتله انتقامی آلدی .

یانمه یاتان ، آدقاری زنجیری ترکیجه بیلمیان برروم ایدی . بونک استانبولده کیمسه سی اولمادیغندن پک کیرلی و پدیس بر انسان اولمغه برابر کندیسندن زیده وضعیتمه آچینیر ایدی . اختلاطدن منعی مقول بر اصولده یاییورلر ایدی ، اوچنجی یاتاقدهده ترکیجه بیلمیان بر روس قومیتسی واردی . نه ایسه تدریجاً اختلاطدن منع ایدلمه من کوشه دی ترکیجه بیلمنرله کوروشمه که باشلادم . مع مافیله اون بش کون ویریلان اتمکله و آلدیردیغم پینیرله تعیش ایتدم .

برکون میدانچی واسیل سفردیه دعوت ایتدی . اجابت ایتدم . اون بش کون صیجاق یمک یمه دیکمدن او قدر ذوقه کیده رک یمدم که تعریف ایدم و بعدما کان قره وائلردن یمک ایچون واسیلک اصرار ایتسی تنیه ایتدم .

زلف یاره طوقتمش، کتیر دیلر باشنده صارینی اولدیغی حالده فالاقه یه یاتیرلدن صکره قوشمزه کتیرلدی . بر مدت صکره دیوان حربه چاغیرلدی . اثنای استعجوابنده افندیلر بیلیرمیسکنز آمنت شرحی دیدکده اعضادن بری «کیم بیلمز حریف بونک آیت کریمه اولدیغی» دینجه خواجه شاشالار و تکذیبه لزوم کورمز، نه ایسه تکرار بانه کلدیکی زمان «چو جقلر اعدام اولمه جغکزه بنده ایناندم، زیر ابو حریفلر (آمنت) یه آیت کریمه دیدیلر، اکلاییکز جهاتلری دیدی .

دیگر بر غریبه دها آکلاییم . آنا طولیدن، اسکلبدن اوله جق الی خواجه کتیر دیلر ، اوزمان بقال قپو حبس خانه سنده ایدم، بو آدم لک آغز لری بیجا فلر آچیه جق درجده ایدی چوق دوشونورلر و فوق العاده قورقورلر ایدی اسباب توقیف لری صورتدم .

— امان چو جغم ایشمزیک کوتودیدیلر . رائف و سائر رفقا اصرار ایتدیلر و آکلادیلر : بو علما رمضانده مملکتلرینه کلن تیارویه کیدلماسی ایچون اتفاق ایتمشلر وعظ و نصیحتده بولمشلر . قومپانییه پروتستو ایتش متصرفده «سایشه تعلق واردر» دییه دیوان حربه سوق ایتش . کلیرلر ایکن متصرفک بر آدمی یفلرینه صوقیلهرق قولافلرینه «آصه جقلر سزی دیمش» بونک اوزرینه بزم مسئلهی آکلاندق و شن و شاطر کزیندیکمزی حتی کیجه سی پدزلر برلکده اورته او یونی ترتیب ایدهرک اکلندیکمزی کورونجه حریفلرک قورقورلی زائل اولدی .



چيقاردی و آلوب کوتوردی، ایشی تحقیق ایتدک، بوذاتک برادری دیوان
حریده اعضا ایش .

ینه برکون کشکوللی برذات کثیردیله، ایاغنی زنجیرله مشلر طوغری
لوجه به طیفدیله، بوذاتک قاپوسنی اوردم اسباب توقیفنی صوردم.
— کیت اوغلی کیت دیدی .

بنده دیدم که ،

— بابا سن سوبله من ایشه دفع حاجت ایچون غازدیانلره مرام
آکلاتمازسک ، بوراسی مظالم او جاغیدر ، بزا سکیدک سکا معاوت
ایدلم .

بونک اوزرینه مناسرتده بر قهوه خانه ده نیساری بک حقه ده
کوروشیورلریمش . بوذات «جام نیازی بک اللهیم» در ، دیمش و بونک
اوزرینه توقیف ایدیلرک بوقدر مصارف راهیه ایله برابر تسئلدن
بشقه بر ایشی اولیان اختیار جغزی استانبوله قدر کولدر مشلر .

دها غریب برشی : رضانده اوروج ییائلری ده توقیف و دیوان حربه
سوق ایدیورلر ایدی . بومیسانده برده ارمنی توقیف ایدیلرک کتیرلش
وهرکسه یاپلیدی و جهله آیاقلری فالاقه به طاقیلر ق دوکولدیکی بر صره ده
ایشده یا کلشاق اولدیغنی و کندیسنک ارمنی بولندیغنی سوبلیسی اوزرینه
«دایاق قورقوسیه ارتداد ایدیور» دینلرک و فضله دایاق ییه رک یا تمزه
کلدی . کندیسنی غایت تحف بر آدم اولدیغندن «دیوان حربک صوباسیه
مسلمان اولدم بکا بر اسم قویکیز» دیر بزی کولدریردی . زواللی
پیرامه قدر کیمسه به مرامنی آکلاته مادی . حبس قالدی .

خواجه ننگ بریننی توقیف ایتشلر ، بوذات آمنت شرحنی او قوتورمش ،

بوندن منفعل اوله رق بره جو به بازار، حلاجیهانه کوندیریر. ایشته بونک اوزرینه بانتوقیف بکر آغایه کلیر. عادات و اصول متخذه داخلنده اولجه طباغی بیهرک یاغزه کلدی. بزم ایچون مال غنائم اکللی قالی براقندی، البته بزم حقمزده بی جویاندن معلوماتی واردر. دییه رک ارقدا شلریمی قونوشمغه تشویق ایله یاننه گتدم. اضطرابی آکلادم ودهیمزک باشمزدن کجادی متأسف اولمک کزکی، سوزلرله اسباب توقیفی صورتدم. سویلیک ایستمدی. باقدم که قونوشمه یه جغز. در حال بر سیغاره اکرام ایتمکله برابر آیاقلری بک یارینه قدر شیشه رک کزیه میه جکئی. هر حالده ارقداش اغمزه و معاونتزه احتیاج حس ایله جکئی و شیمیدین کندیسنه بر صوغان پیشیردوب طوزله برق ایاغنه ساردیره جغمی و بو صورتله تخفیف اضطراب ممکن اوله جغمی سویله دم و اسباب توقیفی آکلایمسی رجایی ده اونوتدم. بونک اوزرینه آکلادی و بزم حقمزده جریانک اعدام ایله نتیجه لانه جکئی ده اوکرنک.

کیجه سالم کلدی. و حلاجیهانه هجو به یازمق هاه دییه رک بو آدمی دوک کدن صوکره لوجه یه قویدی. آدجغز ششاشیردی. بن قورمازاق ایده رک آقشاملری سالم کانیجه یه قدر یاقاردم و کلسیکی زمان او یقوده ظن یدردی. بو صورتله کیجه اوقشامسندن مصون قالیرایدم. بو اصوله رعایت ایتمیلرمن و یاخود هر ناصیه آیاقد قانلرمن دایقون حصه مند اولورلر ایدی. اراتی کون بر ضابطه کلدی، قانجی نوبتی به براقمرق غار دیانلردن مومی الیهی سوردی. لوجه یی آچدی لر قار کلق، ایچروده کنی کسورمک ممکن دکدر برادر دیدی. لندن طووتوب

غریب توقیف

زندانی شهر مظالم، نلره مطلع اوایورز. علمادن بر ذات یازیده
بر قهوه خانه ده رفیقته رؤیاسی آ کلانیورمش و رؤیاسنده عالم اسلام
آیقلانمش، سنجاق شریفی جیمقارمش، هرکسک الله کلمه توحید یازینی
باراقلر یازیده اجتماع ایدیورلر. *
بو زینده برشیلر سویلدورمش، اتحاد جینک بری قولاق مسافری
اولمش.

بوده جمعیه منسوبدر. دیه توقف ایتدیرمش. علی الاصول
کندیسندن بر شی صور و لقمه زین دیاغی بیهوش بکر آغالوکنه کلدی،
کونلرجه قالدی، دیوان حربیه چانلر دینی زمان حضور محکمه ده بونک
رؤیا اولدیغنه و بردها کورمه چکی، و یازی کیمسه به آ کلانیه جغنه
یمین ایدهرک تخلیه ایددی.

ینه نافقه نظارتی خلفاسندن بر ذات جلاجیان افندیکنک نزدینه
کیدر؛ مسافرلری وارمش، بو افندی به پک باره برمه امه ایدر.
مومی الیهک جانی صقیلیر، ناظرلی کیدر ایکن تعقیب ایدر، باندینی
معامله کنک طوغری اولدیغنی سرت بر اسان ایله سویلمی اوزرینه
توقیف ایتدیریلوب پولیس مدیریته کوندریلیر. اوراجه موجب توقیف
الله برشی اولدیغندن بر اقیلرلر. ایرتسی کونی قلمه کیدر، فقط او طبعی
براقاز، بو ذات شاشیر. مشروطیته برما مور بلاحا کیمه و بلا لب عزل
ایدیله میه جکنی سیدیکندن صدارته مراجعت ایدر. جواب آلاماز.

کوزلرنده دهشتلی عذابلرک تمی، آلامی او قونوب دور یور، اولوم قورقورلی لمهاری آشکار کورونیوردی. سیماسنده عصی برخسته لی حای واردی.

بو چوجغک آقشاملری غازچینک آرقه سنده غازتنکی سنی طاشیان و هرکند کجه کوزلرینک ایچنه مرحمت دیلر برنظر، بندن برشی بکلر کی باقان کیمسه اولدیغی اکلادم. صوکره دن او کړندم. بو چوجق معارف مأموریندن ستره بکدر.

دیگری سویمیز سیمای، برقاریش صقالی بر آدام ایدی. فعال اولدیغی کوزلرندن، حر کنلرندن بللی ایدی. بونلرک برقاچی ده طیش اریده دور دیلر.

سویمیز سیمای و صقالی کیمسه بر به زله زمین سیار ایدکن یانمه قلاشوب فرانسزجه اوله رق :

— نه وقت قورتولا جفز؟


دیهرک مسئله معلومه کیریشدی. بن؟

— سن کیمسک؟ دیدم.

— بن سزک کی عین سبیدن بوراده یم.

جوابی ویردی. بن بشقه برشی سو یلدم.

هر کون صباحین ایکی ساعت قدر دوام ایدن میلنمک و سوپورمک عملیه سیله آقشاملری لامبه لری طولدیرمق ایشلرینک غیری زماندرده دائما اوتوریر، دوشونوردیم. ذهنمه فنا فنا شیلر کلیور، کنج یاشیمده صاب ایدیلر جکدن اودوم قوپیوردی،



خدمت ده ایدیوردق

محبسده بزی ایشمز بر اقبورلردی. هر کون قشله نك آلتی ونوستی
سو پورمك، صولامق، آبدستخانه لری تمیزله مك بزم وظیفه مزدی .
رضانور بك جمعیت خفیه كنبنده بنم ایچون شوسطرلری یازیور :
«بر کیجه بر کورولدی» بر باغریشمله لرله اویاندم و دیکلهدم .
دكنك ضربه لری آره سنده بر صدای مهور باغرییوردی :

— وور! وور!

کیت کیده او صدای وحشیانه و متهورده تعب آناری ظهوره
کلیوردی . بر آراق دایاق سسلری کسیدلی . لیکن غضبی یکدمامش
اولان وحشی ودها بیتهدی، دیوردی. بر آرزو کره دایاق سسلری
ینه باشلادی . نهایت ضربه لرك دوامنه و غمآ آه و فغانلر کسیدلی .
اویانقدن صکره یوز دكنك قدر صایدیم. مضروب بایمامش اوله جق که
سس چین، یوردی . بر آرزو کره ده ضرب بیتدی .

ساعته باندیم، نصف الیل اوچ کیچ یوردی. اوف! بوتوبلری
اورپه رتی دهستلرله اویقوم قچدی . بوزولدم قلدم . او کیچین اصل
کیردیکی آراق بیلمورم .

«صبح اولدی. کافی السابق صوسر بنلرك کوروتولری ایشیدلی»
باقدم بر آلائی موقوفلر قوریدورلری صولادندن صوکره الارنده غوغالر
ویاچارالر اوطه می تمیزله مك اوزره ایچری کیردیلر. بونلرك بریه سی
۱۹ — ۲۰ باشلرنده برچو جق، یوزی عینی صاری بر قلمیارنکی آتش،

ایکله مهر ، اولومه لر کی شیلر کلیوردی . بر دفعه یتاقدن قانقوب نفره
صوردم :

— بونلر ندر ؟

— کوپک اولوبور . دیدی

حالبوکه بونلر کوپک اولومسی دکل برطاقم معصوم بنی آدمک اشکنجه ،
اذالر آلتند قویاردقلری یورک پارالایی فریادلر ، آه وفغانلر ، برطاقم
جاندن بیقیدیرلش زوالیلر لاینین نومیدانلری اولدیغنده شهه یوقدی .
ینه رخانور بک مذکور کتابک دیگر بریزده شویله حکایه ایدیوره
ه پک دهشتلی بوغوجی برکابوسدن اویاندم ذهانبده ایکن بر برینی
ولی ایدن دکنک ضربه لری طراقلری عقلمی باشمه کتیوردی . آمان الله
بر زوالی یه اوپله دایاق آتیلوردی که ضربه لردن بتون زندانک بناسی
صارصیلیور . دایاق صدارلری ایله برابر کوکره یوب کوپورمش برانسانک
نهیق تهودی وبریچاره بنی آدمک زبوانه ومذبحخانه ایکلمسی بر برینه
قاریشیوردی . بوظلم عظیمک حضوردهشتنده توپلرم اوپوردی . تیرتیر
قیتره یوردم . بر طرفدن دایاق ضربه لرینک حاصل ایتدیکی اهتزازلر ایله
ظالمک اوازه غضبنک دیگر طرفدن مظلومک دودمدود آهنگ موازی
بررستون حالنده آياقلافتش . صمت ایلدن استفاده ایدم رک — عادل
وقاهر بر قوه عالییه کورونمک ویرده کی ظلملری کوسترمک اوزره —
بودار وحشتدن آهسته آهسته عرش وسماوانه دوغری یوکسلدیکی .
کوریر کی اولدم .



افندی بر تقریب الهرق صاقلامش و مجلس مبعوثانده لطفی فکری
بك طرفندن مبعوثلره ارئه ایدلش ایدی .

ضارب ژاندارمه مصطفی ده بزه منسوب موقوفلردن اولوب
بالا التزام بربرمزده دایاق آتدیر لر ایدی ، برکون ضاربلردن عمر النی
صارمش ایدی .

— نه اولدی دیه صوردم .

— ایشته سزه دایاق آتمدن آووجم چورودی ویشیدی ، سالم بکه
سویلدم صوبانك صاپنه بز باغلاده وور دیدی یایدم فقط یه آجیور
عفوئتی کسیدیرمك ایچون لایه یاپوب صاردم .

کوزلکلی مصطفی ایله حاجی کاله طاقیلان زنجیر محمودیه کیسینه
عائد بیوک باقلالی زنجیر ایدی که آنجق اوچ انسانیت معاونتله
دفع حاجته کوتور زردی . بو زایلار قازیفالامه وضعیتده ایکن
یوز قیه آغراغنده کی زنجیری بویونلرینه دولایه رق هوکرلر مش .

رضا نور بک جمعیت خفیه ادلی کتابتده دیور که :

هکیجه اوایوردن ، هر طرفی درین برسکوت قاپلایوردی . حر
انسانلر استراحتنه دالدلری کی بن ده یتاغمه اوزانوب سزین حزین
دوشونیور قره خولیلره دایوردم . آرا صیرا دریندن ، صانکه
یرک دیندن کلن زلزله مسلرینه بکزد بر حالده متسلسل زنجیرلرک
فریاد جانخراشی قارا کلق و سکوتک نارین غشاسی بر بر بیروب زندانک
هر طرفی طولدیر یوردی .

بو کچیور ، آرقه سنندن برچغلق ، بر فریاد قوپیور . آرقه سنندنده

مظالمك انواعى

هيئت تحقيقه آرتق اكمال وظيفه ايتمش ايدى، بتون ارقداشلىقلا
سربستجه كوريشايور ايدى. هر كس نه صورتله داياق ييدينكى و فصل
مظالم ايترا ابدلدينكى يكدىكر عزمه آكلاته رق و عينا تقليدلىر ياپيله رق
كولوشيور ايدك .

بو ميانده شايان دقت اولانى طوموز طوپنى ايدى .
بجاقار زور ايله اكسه يه قهرجه و ريلوب باغلايور و اوزمان انسان حقيقه
طوس طوپارلاق بر شكل آليور . فقط هر انسانك بجاقلىرى عولايقله
اورايه قدر چوريله مدىكندن يك چوق اضطراب و ير مكله برار تنفسى
اشكال ايدىيور .

ايشته بو حاله قونلدقن صكره راست كلن طرفته سويان باطلا
تيورلردى . بو حانده داياق ييه نلرك اكر تيرسى بايلىر . و برنگه صوينى
اوزر يته دوكمك صورتيله آيتلىرلر بر سيفاره اكر اماندن سوكره قازيقلامه
اصولنه مراجعت ايدرك ايكنجى انكسجه يه باشلارلردى .

بو قازيقلامه ده موقوفى ديزاوسته چو كديروب بجاغنك آراسنه يلك
قالينلنده بر اودون قويغقن عبارتدر . بر آزدها تشديد ايتمك ايمترلره
اشبو وضعتده ايكن برده اللرى ارقه سه باغلامق كافيدر .

ايشته بونلرى بتون ارقداشلىقلا عزمه تطبيق ايتدلىر ، حتى ارقداشلىقلا مزدن
برينك طبائى باطلايوب اوقاقه بر كيك برندن فيرلادى بر ديكرينك صوپا
هر فصله اياغنك باش پارمغه تصادفه برار پارمق برندن سو كولوب فيرلامش
و يرلر قان ايچنده قالمشدى ، بو طرناغى ضاربلىر دن زاندارمه مصطفى

خبری یوق، نومرو سورارلریش ۱۰، ۲۰، ۴۰ الخ دیدیکجه دوکرلریش، نهایت ده قورمیر بر تقریب قولاغنه ۷ دیمش و دیاقدن قورتلدنصرکه: — سویله باقم کیملری جمعیتدن اوله رق طانیورسک با خصوص بیوک ذواتدن .

دیمش لر .

دایاق بو ، دوشونش، عقلنه کیسه کلامش، اقرباسندن مصطفی ناطق پاشا گلش . هایدی مصطفی ناطق پاشانی ده توقیف ایندی لر .

چو جنی بر کیجه چاغیروب قهوه لر لیوناطالر سالون سیفاره لر یله ا کرام واعزازه باشلامش لر . باقش که بالان سویلدکجه حسن معامله بر شی بیلمیورم دیدکجه دایاق وار . اویدرمغه باشلامش و دیمش که — کامل پاشاده داخلدر .

مصطفی ناطق ایله برابر قوناغنه کتدیکنی و محمود شوکت پاشانک قتلنه دائر مذاکره ایدلدیکنی ودها دیگر یالانلر اویدبر مق صورتیله جانی قورتاردینی بر صروده غنیه لرده پک مهم بر رجل سیاسینکده داخل اولدینی و یقینه ایزینک کشف و اعلان اولنه جنی یازیورلردی . بو تامل پاشا ایچون ایدی . حریفارک کوزلری دوشش شاید کامل پاشانک جمعیه داخل اولدینی تحق ایده رک توقیف اولونه جق اولورسه کندیسنه آتیله جق اولان دایاغک صوباسی هیئت تحقیقه ده مزایده یه نوییورلر و آرمه لنده آرتیریورلر ایدی .



— اولان نومروك قاج ؟

بيلمورم وياخود قورقوايله ۷، ۸ دبدبکزمی؛ آکلاشیلدی کتم
اسرار ایدمك ياتيرك قلغه امری ویریلیردی .

سویانك عددی هیچ بر وقت الی دن آشاغی دکلدی . دایاق
آقانلر غایت ایری جنهلی ادملردی اونلرده آرنالودلقدہ عصیان ایدن
افراددن اولوب جزالری غاردیانلق ایتك صورتیه اداره عرفیه
حبسخانه سنده کچیریلورلردی . دایاق ییویده آشاغی کلنلردن برشی
اوکرنگك ممکن دکل . یالکیز آبدسنخانه به کیدیوردم عین کونده توقیف
ایدیلدیکی حالدہ هنوز خبردار اوله مدیغ قانن پدیریمی کوردم . صوامش
اولدینی قوللری کوسه تردی . چوروك لیون رنگنده ایدی .
اشارتله ایشك وخامتی آکلایور ایدی . ذاتاً اشارته حاجت یوق
ایدی . زنجیر سملری نعل برکیردابه یوارلاندیغمزه شهادت ایدیوردی .
هرکس کی بنده تضییق ایدیش ، فضله اوله رق آغزیمه طیانجه صیقله جنی
تهدیدیه اخافه ایدلشدم . وقاجی شاقیر دیارینه معروض قالمشدم . اك
زیاده تضییقه ودایاغه معروض اولانلر کوزالکلی مصطفی ایله حاجی کال
ومهرسیندن امین افندی ایدی .

چونکه شیخ الاسلام مصطفی صبری افندی ایله رضا نور بکی
توقیف ایدیرمك املنده ایدیلر . رضا نور بکی برقارت بهانه سبله توقیف
ایدیلر و مصطفی صبری افندی حتمنده الہ ایتك ایستدکلری یالانچی
شاهدلکه هیچ بریمز یناشمور و بوصورتله کوندرجه دایاق ییور ایدك .
دایاق نملر یایدیرماز . نه کونونج حالرك حکایه سنی دیکلهدم : ده موقرات
مصطفی اسمنده برکنجی صوبه نك الله یاتیرمشلر ، چوجنگك جمعیتدن

بر فالاقه یادیروب او طه سنده اک معتنا بر حمله آسمش و مجازات ایدلک
ایجاب ایدنلری بو فالاقه یه یاتیرمغی معتاد ایدنمش ایمش .
حتی ارا صره موقوفینی تفتیش و معاینه ایلدیکی صرمده « اولان
راحت دوریکز ، یوقسه فالاقه یی ایندیردیرم دیه تهدید ایدرمش .

او محبس ظلم و اعتسافه اسمنی نام اوله رق براقان بو بکر آغانک
دیگر بر عادی ده کړک دیوان حربجه برائتنه حکم اولنان و کړک اکمال
مدت ایله تجلیه سی ایجاب ایدن هرکیم اولور ایسه اولسون محبسدن
چیقمازون اول آغا بونی فالاقه یه یاتیرم رق مکمل دوکر و :

— ایشته حریف کوردکیا بردها بورایه ظله

دیهرک حضورندن اخراج ایلمر ایمش .

بکر آغانک وفاتندن صکره توقیفخانه یه تعیین اولنان مدیرلر و محافظلر
ایچنده بزم موقوف بولندیغمر زمانت مدیری اولان « سالم » نام
مناسیله ظالم متوفایه رحمت اوقوئمش .

هیئت استنطاقیه

بو هیئتک فعالیتی کیجه ساعت آلا نورقه بردن صباح نمازلرینه قدر
دوام ایدر والله مهم تحقیقات کیجه لری یاسیلیر ، کوندوزلری پک اوقدر
چالیشمزلر ایدی . اساساً هیئتک رسمیدی کوندوزلری غیری رسمیدی
کیجه لری فعالیتده بولنیور ایدی . بو هیئت تحقیقیه اولا چاغیردینی
کیسمه نی شویله استجوب ایدر ایدی .

کیندیلر عودتلرنده بئم کیبی قولتوقلرده کلیورلردی . آغیز بورون
بر برینه قاریشمش یوزلری قان ایچنده ایدی . آباقلرنده اولدقجه باقله لری
ایری زنجیرلر طاقلمش آغلا بهرق سورونیورلردی . کیجه نك سگونتنده بو
زنجیرلر ك سسی ، اوچبوزی متجاوز محبوسی استعاب ایدن ، قغوشده
یا قیلان بش نومرو برلامبه نك ضیایی ذاتاً کوندوزلری بیله قارا کلک
اولان زندانمز ساکنلرینك قبلرینه حزن و خوف و هراس الفا
ایدیوردی . بیده بویله اولاجم دهرک حاصل اولان قورقو اویقو
اویومغه امکان بر اقمیوردی . اساساً پیرنك قوم کی اولدینی بربرده
اویومق وجودك آلیشمه سنه و یاخود حیوانك طویوب چکیلمه سنه وابسته
اولدینی آشکاردر .



بکر آغا بلوکنك تاریخیجه سی

ارزاده آلهدیغ معلوماته کوره بورایه بونامک ویرلمسی شوندن ایلری
ککشدر :

وقتیله عسکری توقیفخانه سی اتخاذ اولنان بومحله بلوکن ینش—جه
جسم الجثه ، قوی البذیه ، جاهل ، اوقومق و یازمقدن بی بهره ، بکر
آغا نامنده بر ضابط مأمور ایدلمش .

اوزمانلرده بر قباحت یاپدینی جهنله توقیفخانه یه ایصال ایدیلان
افراد کی کیز قارشوسنه آلهرق استنطاق ایدر و قباحتلی و قباحتسز
دایق آنارمش . بوذات مجرملرک تأدی بی ایچون اصول قدیمه وجهله

ایسهده پولیس اصرار ایتدی وزور ایله امضا آله بیدی . قوردونلی
اولان بوضابطدوقتمیری طانیرمیسک دییه خشین و سرت برسس ایله
صوردی .

— اوت طانیرم دیدم .

— کورورسک هرکله، دینجه تحملم قالمدی .

— بولکله بی سزه رد ایدرم . نأسف ایدرم . بودور مشروطیتده

باخصوص مسافره کوندرلش برقلم افندیی حقنده سزک کبی قوردونلی
برضابطک حقارنده بولونمسی شایان تأردر .

زمینده کی سوزلرم اوزرینه

— طونک شو حریفی دیدی،

دز حال ایکی عسکر قوللری می ترسینه چورمهک باشلادیلر

آوازم چیقیدنی قدر باغیردم :

— حقنی، ناموسنی مدافعه ایدنلره مشروطیتده هم حقارت و دایاق

آتمق وارمیدر. زواللی مشروطیت ؟ حریت ببله می اولور دیدم .

بر کوزلجه دایاق ییدکدن صکره آیاقلریه باصه مدینه مدن عسکرلر

قوللر مدن طوتهرق بکر آغا قغوشنه ایندیروب قیوسنک اوکنده

تکمه لرله ایجرییه آندیلر. بر اوت مندرک اوزرینه اوطور تدیلر

و کیسه سنک بنه قونوشمه جفتی، شاید قونوشیلور ایکن کوریلجهک اولور

ایسه یوز دکنک آتیه جفتی بتون محبوبه سینه سویلدیلر و فارد بانلره ده

اویولده تزییاده بواندیلر . بر ساعت صوکره وطن خائی کوزلکلی

مصطفی و بر آرز صوکره وطن خائی انور آغا و سائره کبی کلمات

تحقیقیه ایله چاغیرلنسه باشلاندی .

اوله بیلیر، فقط هانکیستک مراد ایدلدیکنی اعلافاً سویلمیسکیز . دیدم
بونک اوزرینه اوده کی اجتماعی وده قنور منیرک یقالاندیغنی و کالک
نعلسه اوروپایه سویشدیکنی سویلدی .

آرتق کتمک مناسب اولاجغنی آکلادم، کیفی برتفصیل آکلادم .
و بوضورتله ارقداشیریمی تبریه ایتش اولدم . هر نه ایسه طیشاری چیقدیغ
وقت متفرقه اوطه سنه صوقدیلر و توقیف مذکره سنک یازلدیغنی
کورونجه حیرت ایچنده قالدیم . وسویلنه جک برتک سوزم قالمشدی .
زدرلینه قبول ایتسـونلردیدم . تکرار عزمی بکک یانسه کیردیکم وقت
بش التی ضابط اقامه مک نه دن عبارت اولدیغنی عزمی بکدن
دیگله بورلر ایدی .

— بجم برجریم یوقدر نه ایچون توقیف اولونیورم . دیدم .
— سنک معلوماتکیزدن استفاده ایدیله جکدر . بناءً علیه مسافرة
کوندریلرورسکیز دیدی فقط توقیف مذکره سی اولمادقجه قبول ایدیلله جکمی
وبالتیجه معلوماتدن استفاده اولنه میه جغنی ده سویلدی .
طیشاری به چیقدم، توقیف مذکره سیله برابر بکر آغا بلوکنه
کوندرلدم .

توقیفخانه مأمورلغنده

فی کوتورن پولیس مأموری تسایم اولاندیغمه دائر امضا ایستیوردی .
جسـخـانـه مأمور اولان ذات ایسه :
— کرتاری صابی ایله ویرمه دیلر امضا ایسته من . جوابخی ویردی

نصل توقیف اولندم

اوکون قلمه کینامش ایدم، بکچی قیوی چالهرق غایت مناسب کیرالقی بر او بولدیفنی و عاجلاً کیتمکلکمکی سویلدی. یلسکمی کیمکه بیله لزوم کورمدم همان پانطولونی آیاغمه طاقدم، جا کتی صرتمه کیدم سو قاعه چیقدم. آلتی یاشنده کی مخدوم زهت برابرمد ایدی.

سو قاعده تصادف ایتدیکم موقع قومیسری بک براز قره غوله قدر کیدیله جکنی سویلدی. و تالفونله سری بک قره غوله در دیهرک افسرای قره غولنه معلومات ویردی. اوصرده زواللی اوغلمه یارامازلق ایده جک اولورسه کنديسنک قره غوله توقیف اولنه جنی اخطارنده بواندم. مکر بن توقیف اولنه جقمشم...

زواللی چوجق بو اخطاردن آغلادی. و بکچی چوجنی اوه قومیسرده بنی افسرایه کوتوردی. اورادن ایکی پولیس رفاقتنده پولیس مدیر عمومیلکنه کوتورلدیم. عزیمی بک اقسام یمکنه کیتمش ایدی. بر مدت بکله دک. حیزلی آدیملرله کلدی. اوطه سینه کیردی. پولیسلر بنی تزدینه کوتوردیلر. یانسه اوطورتدی.

— سزک جمعیت حقهنده معلوماتکنزه مراجعت ایدیوروز

آکلاتیکیز دیدی.

بنده هیچ بر جمعیت منسوب اولمادیغمی سویلدیم.

— جانم سزک کال بکک؟

— نم کال بکم یوقدر. فی الحقیقه برچوق ارقداشلرک اسمی کال

اوت دیدم و بو صورتله جمعیه اشترا کده ایتش اولدم.
 بنده، یکی کوریشدیکم دو قنور منیر ایله حمدی افندیلری کال بکه
 تقدیم ایتدم. و آنلر بده اشتراک ایتدیردک. آرتق هر کس طرفدار
 آرایه رق افرادی تکثیره چالیشیوردی. آورو پاده کی شریف پاشا ایله
 کال مخبره ایدیور ایدی. و دایما افرادک تکثیرینه چالیشیور ایسه ده
 یاره یه احتیاج واردیه رک مکتوبلر یازیوردی، بن کالک ضرورتنه باقورق
 بونک بر احتیاجدن منبعث اولدوغنی بناء علیه هیچ بر وقت مطلوب
 نتیجه نیک حصول بویه جغنی حس ایتدم و کالک شریف پاشادن چکمک
 ایتدیکی غیر مشروع بر پاره یه کندمزی آلت ایتماک ایچون حساباتی
 دو قنور منیر ایله حمدی افندی یه اکلایتم. و کال بکه بعدما جمعیت
 ایچون چالیشمه یه جزمی مشترک امضالی مکتوبله بیلدیردک. حال بو که صکره
 بونلر کال ایله اکلایتمشله. شریف پاشامک کوندردیکی پاره یی کال
 آلدیغنی کبی اوروپاده صولوغی آلدی. بتم سوزیمی دیگله میانلرک جینه
 بر پاره کرمدیکی حالده آبدالجہ سنه ده دایاق بیدیلر.

بالکز شونی ایضاح ایدهیم: بالاخره جمعیه التیحق ایدن بعض
 ذوات صرف وطنی امنیه لرله متحلی اولوب کال کبی پاره حسیله متحلی
 دکلردی.



مساعیسی و صکره کیملرک قهرمان حریت کسیدلدیکنی برلسان تأثرله
ا کلاتیردی. اوصره لرده فدا کاران جمعیتی اعضاسنه پاییلان معامله و آتی
ولی ایدن حادثات سائر و بالخاصه اوتوز برمارت وقعه سنده کی اعداملر
و تهدیدلر و سائر اجرا آت ظالمانه دن دولای اتحاد و ترقی به قارشو
مخالفتی و طبقه وجدانیه تاقی ایتمشدم .

هله هیج اونو تمام [احمد رضا بکه آجیق مکتوب] ناسنده مجهول
بر ذلک بر فورمه لق اثرینی؛ اوقومقسنزین طبع ایتمش ایدک. بوندن طولایی
بر کیجه ایکی ضابط اداره خانه مزه کلهرک بخان وطن، آلحق رزبل
الح کله لرله تجاوز ایلملری و ابرتنی کون دیگر بر ضابطک یا نه صوقینه رقی
طبع ایدنک طرفدن کوسه نرلمدیکی تقدیرده بیننده طیانجه پاتلاته جفتی
قسمله سویلمسی قناعتنده کی اصافی تقریردن بشقه بر تأثیر بر اقامش
ایدی .

آراق حسن فهمی نک و احمد صمیمک شهادتی و اشتراک غزته سی
صاحبی حلمی بکک صمیمک اعدام اولنه جتی حقندنکی اخبار اتی ممان
اولان مکتوبی [سنه مطبعه مزده طبع اولمشدر] بکا یا لکیز مخالفت دکل
کندی باشمه عصیان ایتمک جبارتنی یله الهام ایدیوردی .

بو فضاحی باشلیجه اداره ایدن نظر مده محمود شوکت ایدی. بونک
دیکتاتورانی جکیلیر شی دکل ایدی، بو حکومتک دورلمی لزومنه قانندم.
بو جهنلری کمال بکه بر تفصیل ا کلاتندم . بیوک بردقته دیگله یی
کمال بک در حال الیمی صیقه رقی شو و جهله تحلیف تکلیفنده بولندی.
— حکومت حاضره بی فکر آ ایجاب ایدرسه فعلاً خلع و قلع ایتمک،
سوز و ریوریمسک ؟

جمعیت خفیه نك تأسسی

قاضی کوینده اقامت ایډیلور ایدک . کمرک مأمور لرندن کال بک نامنده کی برذاتله قائن پدرمک دلالته کوریشمش ایدم . بوذات پدرمه صیق صیق کوریشیور و اکثریا مصاحبه لری محرم اولیور ایدی . بن محرم اولان مصاحبه لری ا کلامق مراقبه دوشدم . قیش تقرب ایش ایدی . حسکی ده کی ازه نقل ایش ایدک . ینه کال بک صیق صیق کلکه باشلادی و ینم تجسمی آرتیدردی . اوکیجه بر آرز عشرت ایډیلور ایدی ، پدرمک بولمیدینی بر صروده کندینه پدرمه اولان صحبتک ایچ یوزی نه دن عبارت ایسه ا کلامق رجا ایدم . و اوده خفی بر جمعیت تشکیل اولندیقی و آرزو ایدر ایسه ، قناعتمی دیگه دکن صوکره مقصدی و اجرا آتک نه دن عبارت اوله جفی سویله جکنی وعد ایددی . بونک اوزرینه قناعتمی ا کلامم . بن قناعه اتحاد و ترقی حکومتنه مخالف ایدم . بو فکر و قناعت اتحاد ترقیک نه ایت بوملکتنی اضمحلاله اوغداد اچغه قلمده ، ذهنده حاصل اولان امنیت و اطمینانن نشئت ایدوردی .

بوغالفک بنده سبب حصولی بوجه آتی ایدی :

بدايت مشروطیتده بر مطبعه تأسیس ایش ایدک اوزمانک مخالف نشریاتی مطبعه مزده طبع ایډیلور ایدی . بومیانده صریستی سرعوری حسن فهی یکی هر کیجه دیکارم . موی ایسه اوروپاده کی طرز

بکر آغابلوکی


مقدمه

متارکینی متعاقب اتحاد و ترقی ارکانک بر مدت استراحتک زین
ولادت لری بکر آغا بکوکت مقدرات مملکت ایله بویوک و مهم برعلاقه می
وارد .

بو محبس ظلم و بلا، انقراضه طوغروس-ورکله ن مملکتک فاجعه
عاقبتنه کیربان بر جوق وطن پروران ملتک خون معصومه یلده نملک ور
بوزندان اشتیاق معصوم و بی گناه، بر جوق وطنداشارک اینن احتضار-
لرینه دیوار لر یله صاغیر و ابکم اولان بر بنای ظلم و شرور .
میدان سیاسته کتمدن اول بورادن کلوب کپلر اولمکی بر قاج
کره طامش و تکرار احیا ایدلشلردر .

بورزدان ظلم و بلا منبردن فجیع و غمناکدر. قبرک عذابی مطرود
و مهادیه، اوندیالیکز موت، موت محقق واردر. بوراده ایسه هر آن
سزی حیاته اعاده ایدن ظالم و بی انصاف بر حیات جانکداز موجوددر.
بواثر، مظلوم و جنایاتک شاهد ذی حیاتی بولند. یغ بوتارینخی بنانک
بعض فجایع احتوا ایدر .

بو اعتبار ایله تورکیه نی اضمحلال و انقراضه سوق ایدنلرک آثار
جانیانه لرینه جانلی بر شاهد، بو شهادت بر خاطره، هر خاطره ایسه
بر تاریخنذر. بو تاریخی اخلافه اتحاد ایدیورم.



DR
592
S57 A3



بکر آغا بلوکنده



Sırmı, Süleyman

اوراده نهلر کردم

Bekr Ağa Bölüğünde

محرری :

سابق معارف مأمور لرندن :

سایمان سری



حقوق مطبعه سی

درسمادت

۱۳۳۰



بکر آغا بلو کننده

اوراده نهل کوردم

رعادلر ، زنجیرلر ، زندانلر ، استحقاکلر
صائمین تدبیردر سرمایة اسکات اولور
فکر حق ایلر نجلی عزم احرارانده
قهر ایدنلر ملتی معروض قهریات اولور .
عبدالله جودت

محرری :

سابق معارف مأمورلرندن :

سایمان سری

۹۴۴
۱۴۴۱

حقوق مطبعه سی

درسمادت

۱۳۳۵

3244

8c/62

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR
592
S57A3

Sirri, Süleyman
Bekr Aga Bölügünde

